

Այդտեղ նստող հոգևորական ֆեոդալը կարող էր երկար և հաջողութեամբ դիմադրել դրսից հարձակման և պետք շունենալ աշխարհական ֆեոդալի զինված օժանդակութեան, մանավանդ որ անհամեմատ ավելի մեծ եկամուտների տնօրէն էր: Տաքեր՝ նայելով այն գյուղերի ցուցակներին, որոնցից նա կանոնավոր եկամուտ էր ստանում, բոլոր դարերում ոչ միայն Սյունիքի, այլև Հայաստանի այլ գավառների ամենահարուստ վանքերից մեկն էր: Ըստ Ստեփաննոս Օրբելյանի պատմութեան կցված մի ցուցակի՝ նա եկեղեցական հարկ էր ստանում տասնչորս գավառների 677 գյուղերից<sup>43</sup>: Ավելի ուշ ժամանակի ցուցակով այդպիսի գյուղերի թիվն էր 260, իսկ ստացած հարկի քանակը հավասար մոտ 600 հազար պարսկական շահի, կամ 150 հազար ֆրանկի, չհաշված անմիջապես իրեն ենթարկված և սեփականութուն կազմող գյուղական հողերից, այգիներից, արոտավայրերից, սրանոցներից (ծիթհանքերից) և այլ արդյունաբերական ձեռնարկումներից մտնող արդյունքները: Սյունյաց մեծահոգի և մեծահավատ իշխաններն ու ռազմիկները առատաձեռնութեամբ իրար հետ մրցում էին վանքի սրբութունների՝ սուրբ խաչափայտի, Քրիստոսի եղբայր Հակոբի, բազմաթիվ սուրբերի մասունքների, հրաշագործ շարժվող սյունի խնամքն ու պահպանութունը ձեռք բերելու համար: Տաթևի վանքը բավականին ուժ ունէր երթևեկողներին և մանավանդ վաճառականներին թի՛ օթևան և թի՛ պաշտպանութուն տալու:

Ուրիշ վանքերն ավելի հաճախ պետք էին ունենում հարեան իշխանների ռազմական հովանավորութեան: Թե այդ աշխարհիկ ռազմիկ տարրի հովանավորութունը, բացի հողագործ գյուղացիներից, հասարակութեան ո՛ր խավերն էին առանձնապես որոնում՝ մի շատ բնորոշ պատկեր է տալիս Գորիս գյուղի շենքերի դասավորութունը: Այդտեղ մի սեպ ժայռի վրա բազմած է բերդը՝ իր բնական հզոր ամրութուններով: Անմիջապես ժայռի տակ ծվարել է մեկի-բի տունը, որը իր բազմաթիվ վերակառուցումների միջոցին աշխատել է ոչ մի կերպ չհեռանալ գյուղի վրա իշխող այդ ամուր դիրքից: Նրանից ավելի ներքև, նրա թևի տակ, պատսպարվել է եկեղեցին: Գյուղի ամենաստորին թաղում, գրեթե գետակի եզրին՝ քարանձավների մեջ, մարմնավոր և հոգևոր զսրութունների հովանու տակ, ապահովութուն է գտել Բարվանսարան, որտեղ կանգ էին առնում ճամբորդ վաճառականներն իրենց բարձած քարավաններով: Քարվանսարայի Բարտակների մեջ բացի օթևանելու հարմարութունից՝ նրանք գտնում էին ապաստան իրենց գրաստների համար, ինչպես և ապահով զետեղարան ապրանքների համար: Ամրոցի, իշխանական բնակարանի, եկեղեցու և վաճառականական օթևանի այս դասավորութունը շատ է հիշեցնում նույնանման դասավորութուն եվրոպական ֆեոդալական երկրներում, առավելապես Հռենոսի ափերին, և անշուշտ թելադրված է հասարակական միանրման հանգամանքներով: Քարվանսարան այժմ շատ է խանդարված. քարայրները լցված են ամեն տեսակ աղբով, պատերից թափվել են երեսի սվաղի շերտերը, խոնավութունը և պակասավոր օդափոխութունն ավերել են նախկին պատրհանները, տախտածե բարձրացումները: Իշխում է կատարյալ մեռելութուն....

<sup>43</sup> Գլ. 27: